

**JAVNA USTANOVA „BOSANSKI KULTURNI CENTAR KANTONA SARAJEVO“**, Sarajevo, Branilaca Sarajeva 24, IDB/JIB: 4202093300005, kojeg zastupa direktor Edin Kukavica (u daljem tekstu: BKC Sarajevo)

i

**UDRUŽENJE BOSANSKI KULTURNI CENTAR U PRIJEDORU**, Prijedor, Vuka Karadžića 1, JIB:4404523890008, kojeg zastupa predsjednik Upravnog odbora prof.dr.Sanel Jakupović (u daljem tekstu: BKC Prijedor),

u cilju unaprjeđenja ukupne kulture i umjetnosti u Bosni i Hercegovini, sklopili su dana 6.januara 2020.godine u Sarajevu sljedeći

## **SPORAZUM O SARADNJI**

### **Član 1.**

U okviru područja od zajedničkog interesa BKC Sarajevo i BKC Prijedor podsticat će sljedeće oblike saradnje:

1. Razvoj i implementaciju zajedničkih projekata kod domaćih i međunarodnih tijela i institucija;
2. Partnerstvo u organizaciji događaja kojima se doprinosi razvoju i promociji kulture i umjetnosti u funkciji unaprjeđenja društvenog razvoja, naročito u pogledu saradnje kulturne, naučne i akademske zajednice. Ovaj oblik saradnje podrazumijeva zajedničke koordinirane aktivnosti u vezi s organizacijom kulturnih i umjetničkih događaja, radionica, seminara, okruglih stolova, konferencija i sličnih događaja;
3. Razmjenu kulturnih radnika i umjetnika sa svrhom poučavanja novim metodama rada;
4. Stručne prakse za mlade iz različitih područja kulture i umjetnosti;
5. Razmjena stručnih i naučnih publikacija, stručno metodskih materijala i programa, bibliografske i referentne literature i drugih referentnih materijala;
6. Razmjena informacija od interesa za obje sporazumne strane, te zajednički rad u nastupu prema odgovarajućim domaćim i međunarodnim tijelima i institucijama;
7. Zajedničko iniciranje i donošenje mišljenja o zakonskim propisima iz područja kulture i umjetnosti;
8. Zajedničko učešće predstavnika partnerskih institucija na konferencijama i događajima od velike važnosti i uzajamnog interesa;
9. Zajednička priprema i izdavanje knjiga, monografija, priručnika, stručnih i naučnih članaka i dr;
10. Zajednička organizacija tečajeva, konferencija, seminara i drugih oblika cjeloživotnog učenja;
11. Zajednička istraživanja u kojima se, u skladu s uzajamnim interesima, pri prijavi i provedbi projekata angažiraju stručna lica, prostori i oprema obiju partnerskih strana.

### **Član 2.**

Saradnju iz člana 1. ovog sporazuma potpisnici će realizirati stvaranjem kompetentnih timova ili angažiranjem pojedinaca iz svojih organizacija.

Koordinatori saradnje bit će direktor BKC Sarajevo i predsjednik Upravnog odbora BKC Prijedor, odnosno osobe koje oni za pojedine oblike saradnje ovlaste.

### **Član 3.**

U sprovođenju ovog sporazuma strane potpisnice se obavezuju da će:

- međusobnu saradnju zasnivati na principima uzajamnog poštovanja, dogovaranja i sporazumijevanja,
- sporazumno rješavati sporove koji bi mogli da nastanu iz ovog sporazuma,
- usaglašeno planirati aktivnosti od zajedničkog interesa.

#### Član 4.

U sprovođenju ovog sporazuma strane potpisnice će, svako sa svoje strane, osigurati:

- nesmetanu razmjenu iskustava i informacija,
- uključivanje kadrovskog potencijala,
- transfer metodoloških znanja,
- obuku kadrova,
- korištenje infrastrukturnih kapaciteta.

#### Član 5.

Ovaj sporazum zaključuje se na neodređeno vrijeme, a stupa na snagu kada ga potpišu predstavnici obje organizacija.

Sporazum je moguće dopuniti na temelju obostrane saglasnosti s predloženim dopunama.

U toku trajanja ovog sporazuma uspostavljena saradnja se sporazumno ili jednostrano može raskinuti u pisanom obliku, s rokom raskida od 6 mjeseci u kome bi se regulirale nedovršene aktivnosti proizašle iz primjene ovog sporazuma.

Prekid sporazuma neće uticati na prava nikoga ko je učestvovao u saradnji prije objave prekida.

#### Član 6.

Ovaj sporazum nema obilježja ekskluzivnosti, te je svaka od strana u potpunosti i prema svojoj diskreciji slobodna da ulazi u druge sporazumne odnose.

Strane su saglasne, da će, u slučaju ostvarenja konkretnijih oblika saradnje, u svakom posebnom slučaju zaključiti poseban ugovor kojim će detaljno i preciznije regulirati međusobna prava i obaveze.

#### Član 7.

Ovaj sporazum su obje strane potpisale u četiri istovjetna primjerka, od kojih svaka strana zadržava po dva primjerka.

**U Sarajevu, 6.januara 2020.**

Broj:

11-01-1/20

Broj: BKC-UO/01/MoU/01-01/20

**JU Bosanski kulturni centar  
Kantona Sarajevo**

**Udruženje Bosanski kulturni centar  
u Prijedoru**

Edin Kukavica  
direktor

prof.dr.Sanel Jakupović  
predsjednik Upravnog odbora

